



Assalamualaikum wbt dan Salam Sejahtera,

YB Menteri/ YB Timbalan Menteri /YBhg. Datuk Dr./ YBhg. Datuk /YBhg. Dato’/YBrs. Dr./Tuan/Puan

2. Sukacita disertakan laporan pemantauan akhbar dan berita berkaitan dengan kementerian ini bertarikh 18 Mei 2023 (Khamis) untuk makluman dan perhatian sewajarnya.

Disediakan oleh,  
Unit Komunikasi Korporat  
Kementerian Pembangunan Wanita, Keluarga dan Masyarakat

BIL	PERKARA	SUMBER
1	<p><b>Mahkamah: Tukang Kebun Mengaku Bersalah Dera Anak Teman Wanita</b></p> <p><a href="https://www.kosmo.com.my/2023/05/17/mahkamah-tukang-kebun-mengaku-bersalah-dera-anak-teman-wanita/">https://www.kosmo.com.my/2023/05/17/mahkamah-tukang-kebun-mengaku-bersalah-dera-anak-teman-wanita/</a></p> <p><a href="https://www.hmetro.com.my/mutakhir/2023/05/967725/tukan-g-kebun-mengaku-dera-anak-teman-wanita">https://www.hmetro.com.my/mutakhir/2023/05/967725/tukan-g-kebun-mengaku-dera-anak-teman-wanita</a></p> <p><a href="https://malaysiagazette.com/2023/05/17/dera-anak-teman-wanita-tukang-kebun-didakwa-di-mahkamah/">https://malaysiagazette.com/2023/05/17/dera-anak-teman-wanita-tukang-kebun-didakwa-di-mahkamah/</a></p> <p><a href="https://www.astroawani.com/berita-malaysia/dera-anak-teman-wanita-tukang-kebun-didakwa-di-mahkamah-419895">https://www.astroawani.com/berita-malaysia/dera-anak-teman-wanita-tukang-kebun-didakwa-di-mahkamah-419895</a></p> <p><a href="https://www.utusan.com.my/nasional/2023/05/tukang-kebun-mengaku-bersalah-dera-anak-teman-wanita/">https://www.utusan.com.my/nasional/2023/05/tukang-kebun-mengaku-bersalah-dera-anak-teman-wanita/</a></p>	<p>Kosmo</p> <p>Harian Metro</p> <p>Malaysia Gazette</p> <p>Astro Awani</p> <p>Utusan</p>

	<p><a href="https://www.sinarharian.com.my/article/258919/berita/semasa/tukang-kebun-mengaku-dera-anak-teman-wanita">https://www.sinarharian.com.my/article/258919/berita/semasa/tukang-kebun-mengaku-dera-anak-teman-wanita</a></p> <p><a href="https://www.youtube.com/watch?v=ITSeaLVf-zU">https://www.youtube.com/watch?v=ITSeaLVf-zU</a></p> <p><a href="https://www.bharian.com.my/amp/berita/kes/2023/05/1102252/tukang-kebun-mengaku-salah-dera-anak-teman-wanita">https://www.bharian.com.my/amp/berita/kes/2023/05/1102252/tukang-kebun-mengaku-salah-dera-anak-teman-wanita</a></p> <p><a href="https://www.bernama.com/bm/jenayah_mahkamah/news.php?id=2189714">https://www.bernama.com/bm/jenayah_mahkamah/news.php?id=2189714</a></p> <p><a href="https://www.buletintv3.my/mahkamah/tukang-kebun-mengaku-salah-dera-anak-teman-wanita/">https://www.buletintv3.my/mahkamah/tukang-kebun-mengaku-salah-dera-anak-teman-wanita/</a></p>	<p>Sinar Harian</p> <p>Berita RTM</p> <p>Berita Harian</p> <p>Bernamea</p> <p>Buletin TV3</p>
2	<p><b>Bertindak Sekarang, Tangani Isu Perkahwinan Kanak-Kanak Bawah Umur</b></p> <p><a href="https://suarasarawak.my/bertindak-sekarang-tangani-isu-perkahwinan-kanak-kanak-bawah-umur/">https://suarasarawak.my/bertindak-sekarang-tangani-isu-perkahwinan-kanak-kanak-bawah-umur/</a></p>	<p>Suara Sarawak</p>
3	<p><b>Wanita Alami Tekanan Perasaan Mudah Terjebak Najis Dadah</b></p> <p><a href="https://www.sinarharian.com.my/article/258991/berita/semasa/wanita-alami-tekanan-perasaan-mudah-terjebak-najis-dadah">https://www.sinarharian.com.my/article/258991/berita/semasa/wanita-alami-tekanan-perasaan-mudah-terjebak-najis-dadah</a></p>	<p>Sinar Harian</p>
4	<p><b>Dana Kotex She Can RM100,000 Jadikan Sekolah Lebih Kondusif Untuk Pelajar Perempuan. Tamatkan Isu Miskin Haid</b></p> <p><a href="https://utusan.com.my/2023/05/17/dana-kotex-she-can-rm100000-untuk-jadikan-sekolah-lebih-kondusif-untuk-pelajar-perempuan-tamatkan-isu-miskin-haid/">https://utusan.com.my/2023/05/17/dana-kotex-she-can-rm100000-untuk-jadikan-sekolah-lebih-kondusif-untuk-pelajar-perempuan-tamatkan-isu-miskin-haid/</a></p>	<p>Utusan TV</p>
5	<p><b>Ministry Holds Several Programmes During Mother's Day, International Family Day</b></p> <p><a href="https://www.theborneopost.com/2023/05/18/ministry-holds-several-programmes-during-mothers-day-international-family-day/">https://www.theborneopost.com/2023/05/18/ministry-holds-several-programmes-during-mothers-day-international-family-day/</a></p>	<p>The Borneo Post</p>
6	<p><b>Terima Pencen Penakat Lebih RM100,000 Selepas 21 Tahun Suami Meninggal Dunia</b></p>	

	<a href="https://www.bharian.com.my/amp/berita/nasional/2023/05/11/02619/terima-pencen-penakat-lebih-rm100000-selepas-21-tahun-suami">https://www.bharian.com.my/amp/berita/nasional/2023/05/11/02619/terima-pencen-penakat-lebih-rm100000-selepas-21-tahun-suami</a>	Berita Harian
	<a href="https://www.hmetro.com.my/mutakhir/2023/05/967960/terharu-terima-pencen-penakat-rm100000-selepas-21-tahun-suami-meninggal">https://www.hmetro.com.my/mutakhir/2023/05/967960/terharu-terima-pencen-penakat-rm100000-selepas-21-tahun-suami-meninggal</a>	Harian Metro
7	<b>Dinding Rumah Warga Emas Rosak Dimakan Anai-Anai</b> <a href="https://www.kosmo.com.my/2023/05/18/dinding-rumah-warga-emas-rosak-dimakan-anai-anai/">https://www.kosmo.com.my/2023/05/18/dinding-rumah-warga-emas-rosak-dimakan-anai-anai/</a>	Kosmo

## MAHKAMAH: TUKANG KEBUN MENGAKU BERSALAH DERA ANAK TEMAN WANITA

<https://www.kosmo.com.my/2023/05/17/mahkamah-tukang-kebun-mengaku-bersalah-dera-anak-teman-wanita/>

Sumber : Kosmo



IPOH – Seorang tukang kebun mengaku bersalah di Mahkamah Sesyen di sini hari ini atas pertuduhan melakukan penganiayaan terhadap anak teman wanitanya yang berusia empat tahun.

Tertuduh, Abdul Rahman Abdullah, 38, membuat pengakuan tersebut selepas pertuduhan terhadapnya dibacakan jurubahasa di hadapan Hakim Azizah Ahmad.

Mengikut pertuduhan, lelaki itu didakwa telah melakukan penganiayaan sehingga menyebabkan kecederaan fizikal ke atas seorang kanak-kanak perempuan berusia empat tahun di sebuah rumah di Jalan Chin Hwa Chateau sejak April hingga 9 Mei lalu.

Pendakwaan terhadap tertuduh dikemukakan mengikut Seksyen 31(1)(a) Akta Kanak-Kanak 2001 yang membawa hukuman maksimum penjara 20 tahun atau denda RM50,000 atau kedua-duanya, jika sabit kesalahan.

Pendakwaan dikendalikan Timbalan Pendakwa Raya, K. Darinee manakala tertuduh tidak diwakili peguam.

Terdahulu, Darinee tidak menawarkan sebarang jaminan terhadap tertuduh atas alasan lelaki itu telah pun mengaku bersalah selain mengelakkan kacau ganggu mangsa ekor kanak-kanak itu sebelum ini tinggal bersama tertuduh.

Mahkamah kemudian menetapkan hukuman tarikh lain pada 19 Jun depan sementara menunggu fakta kes dan laporan perubatan penuh mangsa.

Perbuatan tertuduh terbongkar ekoran laporan polis dibuat ibu kanak-kanak itu Jumaat lalu berhubung tindakan lelaki terbabit menampar dan menumbuk mangsa berulang kali di bahagian muka selain mengetuk kepala dan menendang badannya.

Ibu mangsa berusia 34 tahun turut ditumbuk di muka ketika cuba menghalang anaknya daripada terus dipukul tertuduh.

Kejadian itu menyebabkan mangsa lebam di kedua-dua mata, cedera di mulut, gigi patah dan sakit di seluruh badan manakala ibunya pula mengalami lebam di muka dan lengan sebelah kiri.  
– KOSMO! ONLINE

## **BERTINDAK SEKARANG, TANGANI ISU PERKAHWINAN KANAK-KANAK BAWAH UMUR**

<https://suarasarawak.my/bertindak-sekarang-tangani-isu-perkahwinan-kanak-kanak-bawah-umur/>

**Sumber : Suara Sarawak**



**KUCHING:** Kerajaan Sarawak perlu bertindak sekarang bagi memastikan undang-undang dan dasar negeri berhubung perkahwinan kanak-kanak bawah umur diperketatkan.

ADUN Pending Violet Yong berkata, ia merupakan satu langkah penting bagi melindungi golongan tersebut, dalam masa yang sama mengurangkan bilangan perkahwinan kanak-kanak di bawah umur.

“Masanya telah tiba untuk pembaharuan perundangan. Ia adalah salah satu langkah penting yang boleh dilaksanakan untuk memerangi isu perkahwinan kanak-kanak.

“Walaupun saya bersetuju dengan penegasan Menteri Pembangunan Kanak-Kanak dan Kesejahteraan Masyarakat Wanita Datuk Sri Fatimah Abdullah bahawa tanggungjawab kolektif adalah perlu, merangkumi ibu bapa, sekolah, institusi agama dan adat, pertubuhan bukan kerajaan, ketua masyarakat, dan masyarakat itu sendiri.

“Tetapi jangan kita terlepas pandang peranan kritikal kerajaan negeri dalam menangani dan mencegah isu ini kerana penting undang-undang juga harus diperketatkan,” katanya dalam Usul Penghargaan Atas Ucapan Yang di-Pertua Negeri Sarawak pada persidangan DUN Sarawak Ke-19, di sini, hari ini.

Pada masa ini, di bawah Undang-undang Syariah Sarawak, umur minimum perkahwinan berbeza antara lelaki dan perempuan. Lelaki mestilah berumur sekurang-kurangnya 18 tahun, manakala perempuan boleh berkahwin pada usia 16 tahun.

Bagaimanapun, hakim syariah dibenarkan untuk meluluskan perkahwinan walaupun berumur di bawah 16 tahun. Perkahwinan adat, sebaliknya, tidak mempunyai peraturan khusus, menyebabkan kanak-kanak luar bandar sangat terdedah kepada perkahwinan awal tanpa penalti.

## WANITA ALAMI TEKANAN PERASAAN MUDAH TERJEBAK NAJIS DADAH

<https://www.sinarharian.com.my/article/258991/berita/semasa/wanita-alami-tekanan-perasaan-mudah-terjebak-najis-dadah>

Sumber : Sinar Harian



SEREMBAN - Tekanan perasaan merupakan faktor utama menjerumuskan wanita dalam penagihan dadah termasuk pada usia muda.

Pengarah Bahagian Rawatan Perubatan dan Pemulihan Agensi Anti Dadah Kebangsaan (AADK), Siti Mariam Mursyidan berkata, mereka beranggapan pengambilan bahan terlarang itu dapat menyelesaikan kekusutan dihadapi tetapi akhirnya memudaratkan diri.

"Apabila berdepan tekanan, mereka seolah-olah hilang punca dan kemudiannya memilih jadi pelarian. Dalam tempoh itu berjumpa pula orang yang salah yang membantu selesaikan masalah tapi dengan cara tak betul iaitu menggunakan dadah.

"Dalam keadaan marah dan berada pula dalam situasi susah menyebabkan seseorang itu tidak dapat berfikir dengan baik, jadi mudah terpengaruh," katanya.

Beliau berkata demikian ketika ditemui selepas majlis perasmian Bicara Wanita AADK Bertemakan Srikandi Pemacu Kepulihan di sini pada Rabu.

Menurutnya, ada juga yang terpengaruh dengan suami, dipaksa suami dan memilih mencuba dadah semata-mata marahkan suami yang ketagihan.

Bagaimanapun katanya, peratusan wanita yang mendapatkan rawatan di Pusat Pemulihan Penagihan Narkotik (PUSPEN) adalah sangat rendah berbanding lelaki iaitu kurang 10 peratus.

"Terdapat dua lokasi PUSPEN yang menempatkan wanita iaitu di Bachok, Kelantan dan di Dengkil, Selangor.

"Kemasukan paling muda seawal usia 16 tahun dan paling tua 60 tahun yang mana ada yang datang secara sukarela atau mandatori," katanya.

Selain itu beliau berkata, ketagihan dadah seseorang itu sememangnya boleh dihentikan tetapi proses pemulihan adalah sepanjang hayat.

Justeru katanya, pentingnya sokongan daripada masyarakat bagi membantu pemulihan golongan penagih.

"AADK dah bantu memulihkan mereka dan apabila mereka kembali ke dalam masyarakat, terimalah mereka dan pada masa sama terima juga keluarga mereka yang turut terkena tempas," katanya.

Sementara itu majlis berkenaan dirasmikan oleh Yang Dipertua Persatuan Badan Kebajikan Isteri Wakil-Wakil Rakyat Pakatan Harapan dan Pegawai Kanan Kerajaan Negeri Sembilan (Bakriyah) Negeri Sembilan, Datin Wan Hasni Wan Yusof.

## **DANA KOTEX SHE CAN RM100,000 JADIKAN SEKOLAH LEBIH KONDUSIF UNTUK PELAJAR PEREMPUAN. TAMATKAN ISU MISKIN HAID**

<https://utusan.com/2023/05/17/dana-kotex-she-can-rm100000-untuk-jadikan-sekolah-lebih-kondusif-untuk-pelajar-perempuan-tamatkan-isu-miskin-haid/>

**Sumber : Utusan TV**



Semangat 10 guru dalam memperjuangkan pemerksaan wanita melalui Projek Kotex She Can membuahkan hasil baru-baru ini apabila mereka menerima geran sebanyak RM10,000 setiap sekolah dari dana terkumpul RM100,000 Kotex She Can.

Datuk Seri Nancy Shukri, Menteri Pembangunan Wanita, Keluarga dan Masyarakat telah menyaksikan majlis penyerahan cek daripada Kotex kepada 10 sekolah berkenaan.

Menurut Nancy, isu kemiskinan haid amat membimbangkan dan ia masih dianggap sebagai tabu untuk dibincangkan secara terbuka.

“Seumpama burung yang memerlukan kekuatan dari kedua-dua sayapnya untuk terbang tinggi, kemajuan masyarakat tidak mungkin berlaku sekiranya wanita dibelakangi akibat pantang-larang masyarakat mengenai haid.

“Memandangkan wanita dan lelaki muda yang bersekolah hari ini akan menyumbang kepada tenaga kerja sektor awam dan swasta dalam masa beberapa tahun sahaja lagi, individu, komuniti dan institusi harus berganding-bahu dan menyumbang ke arah kemajuan holistik untuk belia.

“Melalui pendidikan dan pengukuhan nilai-nilai murni seperti hormat-menghormati, empati, baik hati dan persefahaman, tabu haid yang kini membelenggu wanita boleh dihapuskan dan membawa kepada kemajuan sosio-ekonomi.

“Usaha ini mungkin akan mengambil masa, namun ia merupakan sesuatu yang perlu diselesaikan demi masa depan Malaysia. Perubahan tidak akan berlaku dalam sekelip mata dan oleh itu, kerjasama pihak awam dan swasta seperti ini akan memainkan peranan penting dalam mempercepatkan perubahan dalam kalangan masyarakat,” kata Nancy.



Datuk Seri Nancy Shukri, Menteri Pembangunan Wanita, Keluarga dan Masyarakat.

Sejak tahun 2018 lagi, Kotex She Can Fund telah memberi ganjaran kepada program dan idea yang memperkasakan wanita serta merealisasikan impian wanita demi memberi inspirasi kepada lebih ramai wanita untuk mencapai matlamat mereka tanpa terhalang oleh haid mereka.

Sebanyak 129 sekolah di seluruh negara telah menyertai pertandingan Kotex She Can Fund edisi 2021/2022. Kali ini, geran yang dianugerahkan akan digunakan untuk menjadikan sekolah lebih kondusif untuk pelajar perempuan.

Menurut Pengarah Pemasaran Kimberly-Clark Malaysia, Arvind Iyer, geran yang diberikan akan digunakan untuk pelbagai inisiatif meningkatkan daya tahan akademik dan emosi dalam kalangan pelajar perempuan.



Pengarah Pemasaran Kimberly-Clark Malaysia, Arvind Iyer.

“Inisiatif-inisiatif ini termasuklah program-program bengkel dan ceramah bertujuan untuk membina disiplin diri dan keyakinan fizikal, emosi dan intelek serta menaik taraf kemudahan sekolah seperti bilik kaunseling, portal ilmu dan tandas.

“Program pendidikan kebersihan haid ini sangat kritikal dalam membantu wanita muda memahami bagaimana haid dikaitkan dengan kesihatan reproduktif mereka secara saintifik dan perubahan fizikal yang mereka lalui. Selain itu, kami juga mahu mereka sedar akan implikasi kesihatan dan alam sekitar sekiranya kebersihan haid tidak dijaga,” kata Arvind.

Arvind menambah bahawa program ini adalah sebahagian daripada usaha Kotex dalam menamatkan fenomena kemiskinan haid di negara ini. Beliau menjelaskan bahawa isu kemiskinan haid ini sebenarnya lebih besar daripada masalah akses kepada tuala wanita. Ia juga merangkumi masalah kekurangan pendidikan pengurusan haid dan pengetahuan pengurusan sisa haid.

## MINISTRY HOLDS SEVERAL PROGRAMMES DURING MOTHER'S DAY, INTERNATIONAL FAMILY DAY

<https://www.theborneopost.com/2023/05/18/ministry-holds-several-programmes-during-mothers-day-international-family-day/>

Sumber : The Borneo Post



KUCHING (May 18): The Ministry of Women, Family and Community Development, through the LPPKN, has conducted several programmes to celebrate Mother's Day 2023 and International Family Day Celebration.

At the Majlis Jalinan Kasih KPWKM Bersama Kumpulan Sasar on May 15, its minister Datuk Seri Nancy Shukri said they chose the Mother's Day theme 'Ibu, Suri Hatiku' to appreciate the roles of mothers in raising their children with love.

"It is not too late for me to congratulate the Malaysian delegation led by the ministry's secretary general, for giving the ministerial award based on the presentation of a paper entitled 'Women Empowerment: At Least 30 per cent of Women in Decision Making Position' at the Global Summit of Women in Dubai, UAE on May 5," said Nancy.

The recognition was received by the country for sharing its best practices in continuous efforts for the empowerment of women as decision makers in various sectors, she said.

Among the ministry's ongoing programmes in conjunction with Mother's Day and the International Family Day celebration is the promotion of a free KASIH Ibu screening package from May 15 to 20 at 49 Nur Sejahtera LPPKN clinics.

The Mother's Day programme with KafeTEEN, which is a social media advocacy activity with creative videos and tips in conjunction with Mother's Day by teenagers and KafeTEEN Friends, was also held.

The ministry also launched the hashtag 'IniKeluargaSaya', a campaign in conjunction with International Family Day and also based on the Harmonious Family, MADANI Nation campaign that will run until the National Family Month in November.

Also present at the event held at Dewan Perdana Nur on Monday were the director general of the Welfare Department, director general of the National Population and Family Development Board, director of the Malaysian Social Institute, and chief executive officer of the National Welfare Foundation.

"An event like this is very meaningful because it brings together all the parties which not only work with this ministry but also those who are our target groups," Nancy added.

## **TERIMA PENCEN PENAKAT LEBIH RM100,000 SELEPAS 21 TAHUN SUAMI MENINGGAL DUNIA**

<https://www.bharian.com.my/amp/berita/nasional/2023/05/1102619/terima-pencen-penakat-lebih-rm100000-selepas-21-tahun-suami>

**Sumber : Berita Harian**



**KUALA TERENGGANU:** Seorang ibu tunggal seolah tidak percaya apabila menerima faedah pencen penakat lebih RM100,000 selepas lebih 21 tahun suaminya meninggal dunia.

Zaliha Yunus, 57, dari Kampung Surau Haji Yaakub, berkata dia menganggap wang faedah itu adalah rezeki yang tidak dijangka ditinggalkan arwah suami, Ali Embong yang meninggal dunia akibat jangkitan kuman pada Disember 2002.

"Arwah suami bekerja sebagai pembantu juru ukur dengan sebuah syarikat swasta.

"Ketika meninggal dunia pada 2002, saya membuat semakan dengan PERKESO (Pertubuhan Keselamatan Sosial) tetapi dimaklumkan arwah tidak layak.

"Saya difahamkan arwah berdaftar dengan PERKESO tetapi majikan tidak membuat caruman sejak 1997 menyebabkan waris tidak layak menerima faedah.

"Bagaimanapun, kebetulan anak saudara saya yang juga kakitangan PERKESO terdetik membuat semakan semula dan mendapati majikan ada membuat bayaran caruman secara sekali gus pada 2017.

"Saya bersyukur apabila semakan yang dibuat PERKESO mendapati waris layak menerima faedah caruman tetapi saya tidak tahu berapa.

"Hari ini saya terkejut apabila diberitahu tunggakan wang faedah hasil caruman arwah suami sebanyak RM106.732.79 selain Faedah Pengurusan Mayat sebanyak RM1,500," katanya ketika ditemui pada Majlis Sambutan Hari Raya PERKESO Peringkat Negeri Terengganu di Wisma PERKESO hari ini.

Menurut Zaliha, dia bercadang mengadakan majlis kesyukuran selain menggunakan wang berkenaan untuk mengerjakan haji untuk dirinya dan arwah suami.

Berkongsi keperitan menjalani kehidupan selepas kematian suami, Zaliha berkata bagi menyara tiga anak yang ketika itu berusia 10, tujuh dan tiga tahun, dia mengambil upah melipat baju di rumah jiran selain mengasuh bayi dengan pendapatan lebih RM100 sebulan.

Katanya, ketika itu hanya Allah sahaja yang tahu berapa peritnya untuk menyara tiga anak termasuk seorang orang kurang upaya (OKU).

Namun, demi anak, dia membuang rasa malu dan sanggup melakukan apa sahaja pekerjaan yang mampu dilakukannya.

"Hari ini, saya bersyukur sangat-sangat, Allah memberi rezeki yang tidak dijangka.

"Walaupun sudah menerima pencen (penakat) arwah suami, saya akan terus mengambil upah mengasuh kerana dengan hasil mengasuh inilah saya membesarkan anak yang kini sudah berusia 24 dan 21 tahun, manakala anak sulong (OKU) sudah meninggal dunia," katanya.

## DINDING RUMAH WARGA EMAS ROSAK DIMAKAN ANAI-ANAI

<https://www.kosmo.com.my/2023/05/18/dinding-rumah-warga-emas-rosak-dimakan-anai-anai/>

Sumber : Kosmo



TELUK INTAN – Sepasang warga emas di Jalan Sungai Nibong di sini, terpaksa hidup dalam keadaan daif dan serba kekurangan di sebuah rumah usang yang tidak mempunyai bekalan elektrik sejak 14 tahun lalu.

Lebih membimbangkan apabila rumah berkenaan gagal diurus dengan baik ekoran keuzuran Abdul Talip Mantan, 65, bersama isterinya, Rabiah Satar, 50.

Menurut Abdul Talip, rumah itu merupakan bekas kediaman bagi kuarters Padiberas Nasional Berhad (Bernas).

“Selain kekurangan barang kelengkapan, rumah ini juga tidak mempunyai bekalan elektrik. Ia menyebabkan pergerakan di waktu malam agak terbatas kerana kami berdua sukar untuk melihat dalam keadaan gelap.

“Isteri saya ada mengalami masalah pendengaran, jadi apabila dia mahu ke mana-mana pada waktu malam, saya perlu menemaninya,” katanya kepada Kosmo! di sini baru-baru ini.

Mengulas lanjut, Abdul Talip berkata, keadaannya yang kurang sihat menyebabkan dia tidak dapat membersihkan kawasan di sekitar tempat tinggalnya itu.

Abdul Talip berkata, dia pernah terserempak dengan haiwan berbisa seperti ular di pekarangan rumah gara-gara kawasan sekitar yang bersemak dan kotor.

“Atap juga bocor bahkan dinding rumah telah reput dimakan anai-anai. Kalau dilihat, memang tempat ini sudah tidak sesuai untuk didiami kerana terlalu berisiko untuk kami yang merupakan warga emas.

“Diharapkan ada pihak bersimpati dengan nasib kami dan membantu agar saya serta isteri dapat menduduki kediaman lain yang lebih selamat,” katanya.

Ujarnya, dia tidak berniat untuk mengeluh dengan nasib dirinya serta isteri, namun mereka sangat bimbang soal keselamatan diri.

“Sampai bila kami mahu tinggal di rumah ini? Lambat-laun kami perlu kosongkan juga dan waktu itu, di mana kami akan berteduh?” luahnya.

Dalam pada itu, orang ramai yang ingin membantu boleh menghubungi Abdul Talip di talian **013-5366540**.